

ԼԱՆՈՏ ԱՐԲՈՂԱՄՅԱՆ

Գիտատեղծագործական ուժերի ծաղկման շրջանում վախճանվեց ականավոր հայագետ, գիտության վաստակավոր գործիչ, բանասիրական գիտությունների դոկտոր, պրոֆեսոր, Հայկական ՍՍՀ ԳԱ Քղթակից անդամ Աշոտ Արսենի Աբրահամյանը:

Ա. Աբրահամյանը ծնվել է Սևանի շրջանի Գեղավան գյուղում, հողագործի ընտանիքում: Տարրական կրթությունը ստացել է գյուղում, միջնակարգը՝ Երևանում: 1937 թվականից իրեն նվիրել է մանկավարժական գործունեության: 1943 թ. փայլուն կերպով ավարտել է Երևանի



հեռակա մանկավարժական ինստիտուտը, 1948 թ. պաշտպանել է թեկնածուական, 1963 թ.՝ դոկտորական դիսերտացիա, 1964 թ. ստացել պրոֆեսորի կոչում: 1944 թ. անընդմեջ աշխատել է Խ. Աբովյանի անվան հայկական մանկավարժական ինստիտուտում՝ դասականգիելով գրարար, հայոց լեզվի տեսություն, լեզվաբանության ներածություն: 1961 թ. մինչև կյանքի վերջը նույն ինստիտուտի հայոց լեզվի ամբիոնի վարիչն էր: 1950—1959 թթ. աշխատել է նաև Հայկական ՍՍՀ ԳԱ լեզվի ինստիտուտում որպես ավագ գիտաշխատող և ժամանակակից հայերենի բաժնի վարիչ, իսկ 1977 թ.՝ համաբարձա քարտաքանի բաժնի վարիչ:

Մեծ է Ա. Աբրահամյանի գիտական հետաքրքրությունների շրջանակը: Գրեթե չկա հայոց լեզվի մի բնագավառ, որի մասին նա ասած չլիներ իր ծանրակշիռ խոսքը: Բավական է ասել, որ նա հեղինակ է շուրջ 80 գիտական աշխատությունների, որոնք ունեն հիմնականում լեզ-

վաբանական-քերականագիտական և բանասիրական-տեքստաբանական բնույթ:

Լեզվաբանական-քերականագիտական աշխատություններից առաջինը 1952 թ. լույս տեսած է հետադայում երեք վերամշակված հրատարակություն ունեցած գրաբարի բուհական ձեռնարկն է, որը լավագույններից է իր տեսակի մեջ և որով շուրջ երեք տասնամյակ ուսանողու-թյունը (և ոչ միայն ուսանողությունը) սովորում է գրաբար: Բեկ են համարվում է ձեռնարկ, սակայն ըստ էության հին հայերենի գիտական խոր և համակողմանի ուսումնասիրություն է:

Իր գիտական գործունեության զգալի մասը Ա. Աբրահամյանը նվիրել է բայի ուսումնասիրությանը: Դեռևս 1953 թ. լույս ընծայած «Հայերենի դերբայները և նրանց ձևաբանական նըշանակությունը» աշխատության մեջ նա սպառիչ մանրամասնությամբ տվեց հայերենի դերբայական համակարգի զարգացման պատմությունը, դերբայների դրսևորումները գրաբարում, միջին հայերենում, բարբառներում և ժամանակակից հայերենի երկու տարբերակներում:

Բայի ուսումնասիրության ուղղությամբ կատարած գիտահետազոտական աշխատանքների հանրագումարը է բարձրակետը եղավ 1963 թ. լույս տեսած «Բայի ժամանակակից հայերենում» սովորածավալ և մեծաթիվ մեծագրությունը, որտեղ ամենայն խորությամբ և փաստական հարուստ նյութի հիման վրա համակողմանիորեն քննության է առնված ժամանակակից արևելահայ գրական լեզվի բայական համակարգը:

Հոգվածների միջոցով Ա. Աբրահամյանն անդրադարձել է նաև հայոց լեզվի պատմության և ժամանակակից հայերենի առանձին, հատկապես կնճառի և լուսաբանության կարոտ հարցերի, որոնց լուծման ընթացքում ևս երևան է գալիս Աբրահամյան-հետազոտողի պրպտուն միտքը, երևույթների խորքը փափանցելու, դրանք մեկնաբանելու և գիտական ընդհանրացում կատարելու մեծ կարողությունը:

Մեծ է Արրահամյան-գիտնականի վաստակը նաև դասական մատենագրության երկերի թարգմանության և հրատարակության պատրաստման գործում: Այս բնագավառի աշխատանք-ներից առանձնապես պետք է նշել Սզնիկ Կողբացու «Եղծ աղանդոց»-ի թարգմանությունը արե-վելահայերեն և հրատարակությունը ընդարձակ ներածականով ու 495 բանագիտական, լեզվա-ոճական բնույթի ծանոթագրություններով: Գիտական արտակարգ բարեխղճությամբ կատար-ված այս աշխատանքը մեծ ներդրում է եզնիկագիտության բնագավառում և բացառիկ է իր տեսակի մեջ:

Ա. Արրահամյանը մասնակցել է Ազաթանգեղոսի, Բուզանդի, Եղիշեի, Կաղանկատվացու և այլոց երկերի խմբագրման ու հրատարակության հայրենանվեր գործին: Նույնպիսի նվիրու-մով նա մասնակցել է նաև դրաբարի համաբարբառ քարտարանի կազմման սկզբունքների, Վամարարաունի խմբագրման դժվարին գործին:

Ա. Արրահամյանը մեկն էր մեր այն նշանավոր գիտնականներից, որն իր գիտական գոր-ծունեությանը միշտ զուգակցել է մանկավարժական գործունեությանը՝ իր հարուստ գիտելիք-ներն ու փորձը հաղորդելով սերունդներին և ակտիվորեն մասնակցելով մանկավարժական կադրեր պատրաստելու գործին: Հաղորդվող նյութի խոր և համակողմանի իմացություն, մատ-չելի: ու հետաքրքիր, միաժամանակ գիտական խորությամբ մատուցում, ահա ինչով են միշտ բնորոշվել նրա դասախոսությունները:

Մեծ էր նաև Ա. Արրահամյանի երուխտիքը գիտական կադրերի պատրաստման գործում: Նրա ղեկավարությամբ թեկնածուական դիսերտացիա պաշտպանած շատ ու շատ լեզվաբան-ներ մանկավարժական ու գիտական աշխատանք են կատարում հանրապետության բուհերում ու գիտահետազոտական հիմնարկներում:

Ա. Արրահամյանը նաև ակտիվ հասարակական գործիչ էր: Գիտամեթոդական հոդված-ներով, դասախոսություններով նա օժանդակում էր հայոց լեզվի դասավանդման զրվածքի բա-րելավմանը դպրոցում:

Ա. Արրահամյանի վաստակի արժանի գնահատականն էր 1965 թ. նրան Հայաստանի գի-տության վաստակավոր գործիչ կոչում շնորհելը և 1977 թ. ՀՍՍՀ ԳԱ թղթակից անդամ ընտ-րելը, իսկ գիտամանկավարժական և հասարակական գործունեության գնահատականը՝ Աշխա-տանքային կարմիր դրոշի շքանշանն ու Հայկական ՍՍՀ Գերագույն սովետի պատվոգրերը:

Բազմավաստակ գիտնականը գտնվում էր իր գիտական-ստեղծագործական ուժերի ծաղկ-ման շրջանում, երբ հանկարձակի կտրվեց նրա կյանքի թելը: Անվանի գիտնականի, ազնիվ քաղաքացու, լավ ընկերոջ հիշատակը հավերժ կմնա իր գործընկերների և աշակերտների սրտերում:

ՆՎԱՐԴ ՊԱՌՆԱՍՏԱՆ

Բաճախական գիտությունների դպրոց